



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Archiepiscopatus de littera H. cap. XXV.

**urn:nbn:de:hbz:466:1-38372**

qui vitæ sanctimonia celebris, & celebritate hominum minimè gaudens, in senectute bona quieuit in pace. Floruit anno Domini 1000. *Ioannes Dubravius in Hist. Boiem. lib. 6. Trittemius, lib. 4. c. 99. & alii.*

### Archiepiscopatus de litera H.

#### *Hispalensis in Hispania. Cap. XXIII.*

S. **E**ANDER, Seuerini Ducis Cartagine nouæ filius, Monachus Monasterii S. Claudii, in ciuitate Legionensi, uir sanctitate, & morum grauitate, sapientiæque doctrina, clarissimus, & S. Gregorio I. Papæ amicissimus, Archiepiscopus factus, in Episcopali munere exequèdo uigilantissimus fuit, & sua prædicatione Reccaredum Regem, nepotem suum ex sorore, cum omni Visigothorum populo ab Arianismo ad gremium Ecclesiæ reduxit: & bonorum operum multiplicatione gloriosus, migravit in cælum. Floruit anno 590. obiitque an. 603. tertio cal. Martii. *Trittemius, lib. 4. c. 130. & alij.*

S. ISIDORVS, cognomento Iunior, seu Minor, S. Leandri frater, & in regimine successor, & S. Gregorii Papæ I. discipulus, ac ut aiunt, nostri Ordinis Benedictini Monachus, uir omnium disciplinarum genere instructissimus, ut eius scripta testantur. Creatus est Archiepiscopus, anno Domini 603. præfuitque ut auctor est S. Ildephonsus de uir. ill. annis ferè 40. Obiit anno 642. uel circiter, pridie nonas Aprilis; cuius corpus requiescit Bononiæ in Ecclesia RR. Patrum Cælestinorum. Opera eius omnia, quæ extant, partim aliquando uirorum doctissimorum laboribus edita: partim uerò nunc primum, ex scripta, & castigata per D. Margarinum de la Bigne, Theologum Doctorem Parisiensem, excusa sunt Parisiis, in folio, anno Domini 1580.

Etymologiarum Libri 20. & de summo bono, libri tres, excusi sunt Venetiis, anno 1483, in folio, & alibi aliquoties.

De Ecclesiasticis officiis, Lib. 2. impressi sunt Romæ, in folio, cum cæteris scriptoribus de eadem materia: & item Parisiis in octa uo, anno 1564.

Sententiarum, Lib. 4. emendati per Garciã Loaysam, excusi sunt Taurini, anno 1593. in quarto.

Cauendi ueniunt libri Originum eius uiginti, qui excusi sunt Ba  
silcæ

filæ, apud Pernam, anno 1577. in folio; simul cum libris nouem Martiani Capellæ de nuptiis Philologiæ, & Mercurii, & scholiis Bonauenturæ Vulcani Brugensis, in iis enim multa inserta, quæ Isidori nostri non sunt, & ex Hæreticorum more, etiam ueneno prauitatis hæreticæ resperfi ueniunt.

De illustribus Ecclesiæ scriptoribus, Lib. 1. excusus cum aliis Colonia 1580. in octauo.

De reliquis eius operibus, si quæ separatim excusa sunt, ante oculos nostros non comparuerunt: quorum omnium Catalogū si expectat Lector, Trittemium consulat. *Bugianus, & pictura Claustrii Mantuani.*

D. P E T R V S, Ferdinandi III. Regis Legionis filius, Monachus, & Abbas Vallis Oleti, & postmodum Hispalensis Archiepiscopus, aliquot annis eo magistratu usus, postea dispensatione Romani Pontificis sacerdotio abdicauit, & Christina, Daciæ Regis filia ducta, Dux Aluæ, & aliorum locorum factus est anno Domini 1250. *Genealogia Regum Hispaniæ, & alij.*

### Archiepiscopatus de litera L.

*Lindisfarnenses, siue Northumbriæ, in Angliæ.*

Cap. XXXV.



**S**ANCTVS Aidanus, Scotus, Monachus Monasterij Huii, seu Huensis in Hybernia, summus Lindisfarnensis Ecclesiæ Archipresul, creatus, & consecratus est anno Christi Do. 635. eoq; munere functus est ann. 17. sanctorumque numero associatus anno 651. pridie cal. Septeb.

*Beda, lib. 3. cap. 14. & 16. & in epitome: & Trittemius, lib. 4. cap. 136. & Matthæus Vuestmon. in Flor. Hist. Scripsit in scripturas commentaria; Homilias, & alia nonnulla.*

**S.** FINANVS, siue Sinanus, Scotus, Monachus Huensis, Aidanum sequutus anno 651. pauco tempore in Episcopatu permansit, decimo enim administrationis suæ anno, Christi 661. mortale solū reliquit, cælestè petiturus. Scripsit librum de ueteris Paschalis ritu.

Q 3 Trit-